

Christus nondum apertam (scilicet vulvam) supernaturaliter aperuit, & clausam naturaliter servavit. Dicit autem supernaturaliter aperuit; quia supernaturali virtuti Christi ad egressum nihil est occlusum, nihil, quod ipsum impediat. Denique de Amphilochio idem Vasquez multa dicit, ad quem legentes remittimus.

Dicimus II. Virginem Deiparam absque molestia, & dolore peperisse, nec obstetrici habuisse opus. In partu non emisit secundinas, quæ nec pariter in utero fuerunt; ideoque illas cum foetu emissas fuisse puerperii sordes, quæ consequuntur nativam nascentis hominis conditionem, & non lædunt illibatam matris virginitatem, & filii sanctitatem non deturpant.

Prima Conclusionis pars probatur I. quia, ut ait Serry, nulla ibi fuit membrorum genitalium apertio, nulla uteri referatio, sigilli virginalis effractio nulla. II. quia vinculi, seu nervi umbilicaris, quo foetus Matris in utero cohærebat, disruptio, atque dissectio ab ipso, a Deo absque Matris sensu effecta est. III. quia, ut ait Suarez, dolor partus respondet libidini, & voluptati conceptionis. Unde Damascenus: *Quam voluptas non anteivit, nec dolor quidem in partu sequutus est.* IV. quia decebat, ut Christus in ortu suo nullum incommodum matri afferret, & hoc, vel ex eo præferim, quia necessarium non erat. V. quia Ecclesia canit: *Nesciens virgo virum, peperit sine dolore Salvatorem seculorum.* VI. quia Patres hoc ipsum docent, videlicet Nyssenus orat. 1. de resurrectione, & homil. 13. in cantica, Augustinus serm. 14. de nativitate, Fulgentius serm. de laudibus Virginis, Bernardus homil. 3. in Missus est, & serm. 4. in Vigilia Nativitatis, Damascenus lib. 4. de fide Orthodox. cap. 15. Ildephonus lib. de perpetua Virginitate Deiparæ. Et de obstetrici loquitur Hieronymus lib. contra Helvidium: *Nulla ibi obstetrix, nulla muliercularum sedulitas intercessit: ipsa pannis involvit infantem: ipsa & mater, & obstetrix fuit.* Quibus consonant Nyssenus orat. 1. de resurrectione, Fulgentius serm. de laudibus Mariæ, Athanasius, vel quisquis alius sit author homil. de censu, seu de Nativitate Domini, Arnoldus Abbas in laudatione B. Virginis, Prudentius hymno 2. Bernardus sermone 4. in Vigilia Nativitatis, alique.

Secunda Pars Conclusionis probatur I. Ex Trullana Synodo can. 79. *Absque ullis se-*
PAR. IV.

cundinis ex Virgine partum esse confitentibus; ut qui sine semine constitutus sit, idque totæ gregi annunciantes eos, qui propter ignorantiam aliquid faciunt, quod non decet, correctioni subijcimus. . . . non licere ex communibus, & iis, quæ in nobis fiunt, inenarrabilem Virginis partum, quæ supra mentem, & sermonem Verbum peperit, definire, metiri, ac describere. II. quia, si Deipara Christi corpus cum secundinis emisisset, debuisset illud ablucere, atque a sordibus purgare antequam pannis involveret; sed de hoc nihil asserit Matthæus Christi nativitatem describens cap. 2. sui Evangelii, dicens: *Et peperit filium suum primogenitum, & pannis eum involvit, & reclina- vit eum in præsepio;* in quibus altum silentium de ablutione habemus. III. Augustinus in orat. de quinque hæresibus, Epiphanius hæres. 79. Leo Magnus serm. 2. de nativitate, Zeno Veronensis, vel si quis alius est author sermonis secundi, Ildephonus lib. de perpetua Mariæ Virginitate, Bernardus lib. 3. de purificat., alique plures, ut ait Graveson contra Serry, non minus a pariente Virgine, quam a Christo nascente, sæces, ac sordes longe ablegant. IV. quia illæ secundinæ tales fuissent, in quibus periclitari potuisset Virginis Matris pudor; atqui, ut Ambrosius docet lib. 2. in Lucam, maluit Dominus aliquos de suo ortu, quam de Matris pudore dubitare: *sciebat enim, teneram esse Virginis verecundiam; nec putavit ortus sui fidem matris injuriis adstruendam.* Quibus addit Graveson: *Hæc autem effluentis sanguinis, ac secundinarum, quibus pueri Jesu nascentis corpusculum fuisset involutum, illuvies, haud parum læsisset pudorem virgineum. Quid igitur mirum, si Christus noluerit hoc pacto nasci? Quamvis alias vitæ humanæ contumelias toto vitæ suæ decursu sponte subierit.*

Tertia pars Conclusionis probatur I. Sexta Synodus approbavit act. 11. epistolam Sophronii, in qua partus Virginis dicitur incorruptibilis; hoc est, ut idem Sophronius explicat, sine fluxu sanguinis, aut simili passione perfectus est. II. Epiphanius lib. 3. contra hæres. in fine: *Natus est per genitales meatus citra pudescitionem, impollute, absque inquinamento,* Cyprianus, vel quisquis alius est author sermonis de nativitate Christi: *Maria genitrix, & obstetrix, nullus dolor, nulla naturæ contumelia in puerperio;* Nazianzenus, si ipse est verus author Tragediæ, cui titulus *Christus pater*